

海澄縣誌
(乾隆)
三

海澄縣志卷之二十一

藝文志

詩

賦

頌

贊

銘

夫陵谷易移須紀載之遘起金石雖壽遜翰墨
之流輝要以前籍可羅則締構斯在來藻無沫
則軌轍可循文之不可已也如是夫漳在土古
稱草昧梁陳之製無多澄迄中明建花封唐宋
之言甚少是用遍採巨公懸市之業旁及故家
斷簡之遺凡詞有關於吾土而帙猶散於人間
者哀而存之得若干卷庶幾車書萬國及見忠
臣孝子之章赫蹏千年猶睹郭錦江花之色識

詩

大識小等柱史之蒐羅傳信傳疑成濤門之鼓
吹夫固集狐之白詎云窺豹之斑志藝文

著書總目

宋

陳 兢周禮解 陳 經德齋文集

明

陳真晟程朱正學纂要 布衣存稿 黃文豪滄

泉稿 黃一龍延露編 沈 源疏稿 吟稿

謝 彬愛吾堂宦遊稿 歸田稿 潘鳴時讀易

偶見 頑菴錄 人和樓錄 黃曰謹金鑑錄

高克正玉堂初稿 木天署草 周起元奏疏稿
歸田稿 居稽齋集 吳 霞射禮集說 道原
錄 抄義集 抄學則 拾棄稿 示兒篇 紀
孚兆心極圖說 何 楷四書字考 考定古文
考定孝經 古周易正詁 詩經世本古義 春
秋釋

國朝

高維檜廣惠草堂集 經史書文四部序 林翰
文焦桐集 李基益雪爪集 樂府惜古 丹霞
風雅集 詹明章四書提要 易經提要 大

易通義 河洛通解 先後天卦說 洛範啓要

班馬合訂 莊子同壇

詩

宿海邊寺

宋漳州判官蔡襄
莆田人

潮頭欲上風先至海面初明日近來
惟得寺南多語笑
蛋船爭送早魚回

別顏汝實

蔡襄

四上不登第漂流二十年依依去國恨
杯酒春風前

海漕使京停舟主與呈朱伯厚明府王克明邑

尉

明登州太守林唐臣
郡人

遙山盡處是滄溟
眼底雲濤一色青
野鳥隨波白
毒龍挾雨散餘腥
水濱女珮春畱月
天上仙槎夜
泛星
賴有同舟賢李郭
柁樓尊酒火熒熒

舟至海滄感舊而作

明徵辟

胡宗華 郡人

家君曾住此江邊
回首風塵四十年
往事已經新宇
宙重遊還記舊林泉
一聲鶴唳遼東月
千載牛眠壟
上煙
莫恠感時鄉思淺
滿山桃李怨啼鵑

登雲嶽嶺

胡宗華

路入天邊作繡文
欲過半嶺已斜曛
山無南北皆臨
海樹雜高低不礙雲
深徑落花前夜雨
斷煙芳草古

來墳東南尺地皆王土何用區區畫壤分

遊青礁東宮

胡宗華

縹緲珠宮十二樓化人已去白雲留殿開三瑤當興
地山近丹霞欲盡頭川嶽有靈功自著神仙無迹境
逾幽憑誰學煉丹砂訣來往蓬瀛海上洲

答劉明府雲泉寺韻

明參政林魁
郡人

雨聲公事裏兼得了清遊野寺三生石煙波一葉舟
龍光寒出匣蜃氣曉成樓天地真無外何嫌問九邱

憶下巖

明副都御史蔡文
郡人

猶憶舊躋攀小徑溪前入萬山古寺鐘鳴深樹

裏晴空泉響亂雲間仙禽有約親人嘯野草無心滿
目斑丹竈烹茶無俗物幾時曾伴老僧閒

南溪早泛

明州守王會郡人

曙色明孤嶼輕舸送落潮溪行人問渡沙宿鳥驚橈
蚤爨分漁火村沽隔浦橋悠然滄海去舟子漫相招

周明府招登晏海樓

明刑部主事金鉉郡人

百尺危樓綺席開振衣日日此遲回潮生極浦千帆
出山繞晴軒八面來海上雄談風滿座城頭麗景月
當杯恩膏轉覺茲樓並紀勝猶慚作賦才

月溪舟中

明知縣戴廷槐長泰人

俯仰乾坤日夜浮吾生漂泊幾時休半掀篷簞看潮
起幾處漁舂着岸流煙雨似連巫峽晚綠蘋如在楚
江秋一年兩度經行處不道機忘亦狎鷗

宿壽春宮留題

明長史 顏廷榘 永春人

偶爾南遊占紫氣真驚閬苑在人間冲虛漫說元都
界信宿如叅仙史班一葦空浮天竺國七星高掛海
門山清風習習炎蒸散坐挹澄波月一灣

望海

明知縣 涂 秩 郡人

十洲東望鬱扶桑百谷波瀾際渺茫漫道乘槎驚漢
使猶傳策石見秦皇龍宮浪蹙星河湧蜃氣風迴日

忙最是元虛堪作賦洪漣起色海雲蒼

岱浦泛月

明禮部郎中何喬遠

晉江人

文八溝頭古有名桃花潭水聽歌聲此中濠濮真無異到處煙霞總自生小浦浮花輕進榜芳林蔭竹亂飛觥歸來月色當天好徙倚寒牕夢不成

哭黃雲寰侍御兼憶蘇遼廷民部二首

明翰林檢討高克正

邑人

驛舍新逢廣柳車東芻南望弔三閭崎嶇世路吾誰問生死交情恨有餘歎逝幾揮山笛淚何人尋取茂陵書九原爲語度支使雛鳳而今羽翼初

臨岐何事淚沾裳君已乘雲入帝鄉地下修文新載
筆朝中指佞舊封章尊生卻是无生訣出世寧知在
世長獨有吾曹情未斷月明千頃水泱泱

晏海樓秋思

明邑令 龍國祿 桂平人

丹楓暮雨急江頭珍重弓鞋上小樓縹緲仙人吹玉
笛瀟湘漁艇度清秋

龍使君水鑑舟共泛放歌

明副使 鄭懷魁 鄞人

使君清標皎玉樹竭來不向城頭住木蘭爲檝桂爲
舟片帆隨意江干駐我來水鑑坐相鮮四榻圖書興
灑然市得蟪蛄多貫酒罄取官囊百俸錢向聞海上

黃金使遠望神君迴車騎萬櫓雲屯寂不譁高歌冷
日爲君醉移舟日暮更徘徊左持螯螯右酒杯世事
紛紛生慟慷天風爲我西南來習習潮聲凌崕岬晝
船簫鼓乘流發江峰一指洞雲深記取中秋待明月

海澄書事寄曹能始

明徵辟徐
人
熈
閩縣

海邑望茫茫三隅築女牆舊曾名月港今已隸清漳
東接諸倭國南連百粵疆秋深全不雨冬盡絕無霜
貨物通行旅貲財聚富商雕鏤犀角巧磨洗象牙光
棕賣夷邦竹檀燒異域香燕窩如雪白蜂蠟勝花黃
處處園栽橘家家蔗煮糖利源歸巨室稅務屬權墻

里語題聯滿鄉音度曲長衣冠循禮讓巫蠱重祈禳
田婦登機急漁翁撒網忙溺人洪水漲摧屋颶風狂
永日愁難遣清宵病莫當羈懷寫不盡期爾早還鄉
大巖道中

邑令姚之蘭桐城人

海國馳驅日山家樽酒時肉分憐社宰斑舞愧萊兒
願結千人意當歌萬壽詩雲邨春不老歸捧是烏私
懷龍清白使君

蘇松巡撫周起元邑人

功高報薄倍愁人萬姓齊傳卧擁輪坐處尚畱棠勿
剪炊時猶憶甌生塵連天祠宇風霜肅隔岫旌旗日
月新安得南來重建節洪濤一帶淨波臣

大巖院

邑令陶 錄

大巖山寺雲中插不盡長風萬里青蜃氣似因華雨
絳潮音如其梵聲醒蒼茫何處尋杯度震疊還驚射
弩停讀罷殘碑歎興替朝嵐依舊護山靈

送周中丞還里四首

有序

大學士 文震孟 吳縣人

大中丞綿翁周公之還閩也以察吏忤璫奉嚴旨
而還也先是吾郡有楊丞者以疆項爲織貂所彈
時貴皆欲去之公獨不可曰丞卽亡狀黜陟之權
寧使璫操之耶再抗疏以去就爭天子乃僅罷丞
弗深罪璫與附璫者璫則盡已衛公矣亡何有監

司淫刑以逞公復疏論於朝或謂公不慮禍不測
耶公慷慨曰禍福之來天也君子弗計所計者是
非耳疏遂上而公不免去矣夫察吏中丞職也忤
璫君子事也身去而名重公則何悔焉惟三吳人
士以爲至蹙蓋公莅吳二載值時多故衽席而燠
咻之民愛公如父母公嘗上書請濬海道開三江
爲吳百世利功未及朞遽以譴歸士民之所爲咨
嗟而灑涕者也余不佞辱公臭味之雅而去位之
因又復相牽率聊賦短筆以申驪唱蓋甘與公同
罪不計屬垣之耳矣

一封朝奏夕還征回首天王本聖明此際也知言可
諱我公乃以去爲榮百年富貴浮雲迴千載聲名皎
日星握手臨岐何限意泥塗滿眼不勝情

金閨新柳尚依依萬戶傷心送落暉總爲清時容直
道豈知平地有危機丹心貫日碑盈口黃髮攀車淚
滿衣何限離憂兼別恨可能消得海雲飛

廢棄衡門雀可羅千旌子子數相過千秋知己心期
在一日臨分感慨多細草拂煙含遠思晴風吹雨和
悲歌浮雲西北何須問且共滄江狎釣蓑

煙波渺渺洞庭悠欲挽檐幃不自繇濁浪一時翻